

FLOIDUM,

A saphensem Episcopum,

SCOTORUM

Reges, Regnum, Ritus Sacros,

Inaccessit Calumniis & immeritis,

Exprobantem, Lacerantem, Traducen-

tem, Versiculus unus & alter

Mortatorius.

*Sedens Fratri tuo obloqueris; in Filium Matris tuae dicitur
infamiam. Psal. 50. vers. 20.*

By Mr James Cunningham



Impressus Anno DOM. 1685.

Typographus Lectori.



I R peruersitatibus deditus (inquit Solomon) contentionem immittit, addens in subsequen-
tibus, ut carbo ad prunas, & ligna ad ignem; Ita vir contentiosus est ad accendendum Litem. Cum ergo, post tot & tantos exhaustos hinc inde Sanguinis & Sudoris Thesauri, Quæstiones lethaliter acutatas, non solum intempestive, refricare prurit Asaphensis Episcopi penna nimis otiosa, sed Præfatiunculâ Patroni (qui,

cupiens cudere, cudit)
Bellum Nostratibus, præcis nostris pro Regibus indicit, decennale; Lepidos hosce Numeros (hæcenus apud Authorem Latitantes) Velitis loco, Prælo subicere placuit. Lege, Vive, Vale.



Compatriotis suis Generosis,

Asaphensis Episcopi Calumnias, Contundere meditantibus Paræneticon.



Linguis, *Crasum* cernens Mucrone petitem,
Parce precor *Rigi*, parcito ! clamat *Atys* :
Hic, *Rex* non unus ; ter deni, ter quoque terni ;
Cum Patria & Sacris, Proh ! Holocausta cadunt.
Vos, quibus est cordi Patrios insurgere in hostes,
Et tetricos Momos tundere fuste suo,
Perdite nil animi : Vobis nam Pagina multa
Ansonis assurgit, sæpe *Pelasga* favet.

Authores magni, *Floido* vix nomine noti,
 Astant; Membrana & plurima præbet opem;
 Succurrunt Vobis etiam vel pondera rerum:
 Si modo vel Judex, Lector & æquus erit.
 1 Carmina *Bardorum*, *Druidum* Dictamina fida;
Thrasoni huic *Cambro* claudere Labra queant.
 2 Hunc Adamantæum *Rupes Fergusia* Clerum
 Molliet, aut saxo furdior ille stupet.
 3 Quin *Scotis* firmat (nec & hæc pudeat addere) Reges,
 Sancita *Eueno*, sed magè prisca *Venus*.
 4 *Symmachus* adveniet, *Præco* qui *Laudis Honoris* est;
 Quantumvis nostris *Lurida* threna canit.
 Mittet & auxilium *Pugnax* & *Germania*, *Roma* 6
Adjutrix præsto est, *Scrinia* grata *Legens*.
Hispanâ *Tacito*, si sint de Gente *Silures* 7
Zoilus *Albinos* rodere vultnè *Silur* ?
 Quanta *Silurnum* audit Gens quæso 8 *Cambra*, 9 *Tribules*
 Ergone proscindat 10 *Pseudo-Britannus* ovans.
Asaphides *Scotis* ingratus ! *Symbola* gratas
Asaphus 11 incoxans, *Scotica* dona refert.
 At *Patre* vix dignum *Floidum* *Mungone* benigno,
 12 *Nostrate*; ingeminat *Glasgow* omnis ager.
 Ille *Animæ* Pastor, *Christo* qui perdere *Ovile*
 Ambit, dans *Animas* per tria sæcla neci ?
 Subditus annè bonus, cineres qui spargit in auras
 Tot *Regum*, spernens molliter ossa cubent?
 Illene *Pacificus*, qui *Lege* & *Pace* sepultas, 13
 Anfas rixarum sic dare promptus avet?
 Hæc referens (*Regno* & *Clero* mala) semina *Cadmi*,
 Ut sibi vel plaudat, *Turbo-Britannus* erat.
 Maeste, agite O *Cives*: *Albinis* reddite *Reges*,
 Cum *Patria*; & *Scotis* *Sacra* *Vetusta* suis.
 Efficite & curis, ne posthac *Fragmina* *Luddi* 14.
Albinis valeant ulla molesta fore.

Præmia nec deerint : Quid, quondam *Romula* tellus;

Servati Civis *Civica* festa dabit.

Scotia pro *Sacris*, pro *Sese*, proque *Monarchis*;

Dicite, quot Vobis *Annua* festa dabit.

Ipsè Pater Patriæ quot mandet; Tempora cingent

Cum *Populo*, *Proceres*; *Scotus* & *omne genus*.

Quot pia vota dabit *Clerus* moderatior; *Euge*!

Quæque canet *Virgo*, *Fœmina*, *Mater*, *Anus*;

Reddite *Susceptum* (rumpente vel ilia *Fluido*)

Hinc oritur *Vobis* haud periturus honos.

Succinebat,

Jacobus Cunigamius.

NOTE.

1. **D** *Ruides* non solum rebus *Divinis* interfuere, sed omnium *Sacrorum* (inter quæ tum temporis, *Regum Genealogiæ* & *Historiæ* reputabantur) olim, si ita loqui liceat, fuere *Cindidarij*, & soli viva voce instructores; & qui teste vel *Cæsare*, magnum numerum versuum ediscebant, immo edocebant & auditoribus identidem inculcabant. *Druidum* itidem in *Genealogijs* & *Historijs* Patrijs successores (*memoriæ illi magistri*) *Seneciones* & *Bardi*, iidem insistentes vestigijs, quot de personis dignioribus & gestis carmina memorialia, mirâ & concinnâ brevitate, patrio in idiomate contexta, per jucunde cantabant. Quin & hæc Bardorum consuetudo, apud nostrates *Macclodiam*, *Macclenanum*, *Macclantotium*, & in illustriorum *Hibernensium* familijs passim, etiamnum & usque viget: etenim.

Fidum

Filiis Annalium genus sunt per vetusta carmina.

NEC hæc in talibus docendi methodus sic leviter rejicienda erat *Fluido*, priusquam Præsul ille *Cambrus* docuisset, quibus artibus Myſteria *Adæ* a DEO tradita, ab illo, ad *Noachum*, & ab hoc ad *Moyſen*, præter ipsam informatricem *Traditionem* perdiscebantur, & integerrime (quasi de manu in manum) sæcula supra viginti transmittabantur. Sæcro etiam in Codice præcipitur *Dentero*. Cap. 11. v. 19. Præterea docebis ea filiis vestris *Loquendo* de iis, cum sedes Domi tuæ, & cum incedis per viam, & cum jaces, & cum surgis. Necnon in Psalterio legitur *Psal.* 78. *vers.* 3, 4, 6. Quæ audivimus ac novimus, ut majores nostri narraverunt nobis, non celabimus filios eorum; generationem posteram; ut sciant generatio postera filij nascituri, surgentesque enarrent filiis suis. Has igitur in legibus *DEI* ediscendis regulas, sæpe sæpius a Spiritu sancto selecto ipsius Populo commendatas, quisnam Gentibus in sacro-civilibus suis edocendis jurè vitio vertet. Nec turgide hic super falsa sua Hypothesi triumphum canet *Flidus*; nunquam enim nostri *Britonum* de *Bruto* improbant historiam, quia *Traditioni* innixam, sed quia (propter argumenta dilucida nimis & nervosa, Luculenter nostris a Scriptoribus dilucidata) plane figmentitiam, & supra ingenuorum fidem admirabilem: cum tale nil in *Fergusio* nostro *Primo* hæcenus inveniri poterit; quem modeste *Buchananus*, ex *Constanti Fama*, plurimis indiciis confirmata, ad cognatam Gentem auxiliandam, de propinqua tantum *Hibernia* adsciscit.

2. Qui (secundum antiquiora Scotichronica contra Neo-

Neotericos) *Scotorum Regem se constituit*, ac ad componendas *Hibernensium* dissidias reversus, indeque *Scotiam* repetens, haud procul a portu, cui nomen postea impositum *Caricfergus* (*Caric* enim, nunc vulgariter *Craig*, Hibernicè rupes est seu scopulus) cuius corpus exanime, ut autamant quidam a mari in *Scotiam* ad Castellum suum de *Dunstaffnage* delatum, ibique inhumatum. Quod si verum, spe potius possessionis retinendæ quam resurrectionis attinendæ factum crederem, utcunque est, pro certo tamen habetur quod locus ille munitissimus in *Lorna* (ægre ea in tempestate dicerem *Arx* seu *Castellum*, si intelligendum est constructum & fabrefactum) cui nomen *Dunstonagh-nish* (corrupte *Dunstaffnage*) *Fergusio* erat inter munitiones (quales ea ferebant tempora) si non prima, primaria. Sed & *Dun-stonagh-nish*, ut a quodam Hibernicæ Linguae haud ignaro accepi, significat locum seu isthmum rotundum præruptum & editum in promontorio ad mare rapidum & æstuosum, qualis & extat *Dunstaffnage*, sive fluvius allabentes, sive rupis faciem pæne inaccessam intueberis. Hic etiam *Scotorum Reges* ut ex *Saxis* colligitur *Sepulchralibus*, plus minus novem intumulantur (Accolæ plures numerant) Idque ante *Fonam Columba* nuncupatam. Arci etiam rupi huic impositæ, ex petulanti sarcasmate a *Pictis* inditum nomen *Berigonium*. Cæso enim *Eugenio primo* a *Romanis* sub *Maximo*, & *Scotica Gente* universa (ut tradunt *Historiæ*) Patriâ pulsa; confederati *Picti*, quibus totum *Scotorum* agrum *Legatus* ille concesserat, cum ad regiam hanc (tum temporis) Arcem devenissent; superbiente quadam ironiâ (quasi de *Scotis* pro perpetuo conclamatum esset) nasute rogitabant *Wa Rie-gang*; ubinam est seu quonam abivit Rex. Germanico *W.* (quod familiare est) in *B.* commutato, & vocabulo *Latinitate* donato, inde *Berigonium*, sed *Scotis* Patriam recuperantibus, & ex-

& exilij huius stigmata delere studentibus, Monachi in memoriam Regum hic sepulcorum ecclesiam seu capellam ædificandam curarunt, quæ *Egglis-ni-riche* (Ecclesia seu Capella Regum) hodiernum audit in diem, Castello etiam nomen inscribunt *Stephanodunum*, sive in allusione *Sancti Stephani* Protomartyris cui capellam dedicarunt (cum primus noster *Rex* quodam modo maris Martyr fuerat) sive a sola nominis notatione inter *Dunstafrige* & *Stephanodunum* (qui loquelæ lepos *Religiosis*, iis in ævis non alienus, ut in Hebraico *Jona* a Latina *Columba* colligere est) nihil in moror : Cum ex his vel cæcutienti apparet, Portum illum in *Ultonia* *Craigfergus* nomen traxisse a submerso quodam *Fergusio* *Scotorum* Rege : Quis unquam autem somniarat *Fergusium* *Secundum* fluctibus obrutum, qui commisso contra *Maximinianum* acri prælio, una cum *Dursto* *Pictorum* Rege, terra cecidit in firma. Cum ergo nulla sunt veræ antiquitatis apud omnes testimonia, testatiora quam nomina a proximis & inimicis imposita, cur exultantem *Cambrum* vereamur nullus video. Quid enim alliciebat *Hibernenses* celebrem hunc suum Portum, *Scotorum* Regis memoriæ, aquis extincti, super auras hucusque dicare : & quem in *Alemanico* suo *Wari-gang* quæritabant *Picti* Regem, nisi *Scotum* ? habentes igitur, e regione *Hibernenses* ex unâ, *Pictos* & hostes ex alterâ, contestibus suffragiis illustrantes, *Scotis* fuisse Reges ante *Fergusum*. r l. Cur non ex horum duorum ore secundum veritatis regulam, sententia hæc sic contestata erit stabilis. Et flocci est quod hic ogganniat *Momus*, Arx quam pono *Evonium* erat in *Lochabria*. Quid si lubens (nec refragor) concedam præfatum meum *Dunstonagh-nish*, *Berigonium*, *Stephanodunum*, aliquando & *Evonium* appellitatum fuisse. Diversa enim nomina causis ex diversis uni eidemque loco indita, ipsissima etiam & nomina loca diversa sortiri quis quælo ignorare fatebitur. Quid igi-

igitur impedit munimentum illud in *Lorna Fergusio* a natura & situ *Dun-stonagch-nish*, *Pictis* (occasione qua supra) *Berigonium*, Monachis ex superstitione *Stephanodanum*, & ab *Eveno* quodam, ob arcem ibi, sive edificatam, sive reparatam, *Evonium* subinde designari. Nec sunt hæc obstacula *Eveno*, eidem seu alteri, aliud condere castellum in *Lochabria*, nomenque ad libitum imponere, vel a fundatore *Evonium*, vel alias *Dunstaffnage*. Quod autem hodie nomen retinet in *Lorna* est. Nec indigitavit nobis aliquis *Egglis-nt-righe*, *Regiis* cum Sepulchretis in *Lochabria*. Sed ubicunque collocabunt *Evonium Eveno* inscriptum, arcem ibidem *Scotis* construent sæculis ante *Fergusium secundum*. Et *Asaphensis* cum venia, *Evenus* noster *Secundus* oppida ante *Christum* natum condidit, *Enverlochneam* cum *Envernessa* antiquâ, quorum rudera (ut aucthores a *Boetio* citatos taceam) si non adhuc conspicienda apparent, certa tamen vestigia effodienda, vicinis monstrari in promptu est.

Inter & hæc scribenda, ab *Alexandro Campbel* Præfecto seu Capitano (ut loquimur) de *Dunstaffnage* hæreditario, accepi. Quod domi conservat *Regis* cujusdam Figuram, bolo eburno affabre insculptam. Cœlatura, ut aiunt, imaginem refert *Eveni*, castelli structoris ; eoque nomine, quasi *Arcis* quoddam *Palladium*, omnem supra memoriam, a Præfecto ad Præfectum traditur Jcon. Tantique ab *Alexandri* hujus avo æstimabatur, ut quando *Cromwelliani*, nuperis in motibus, *Dunstaffnage* (maximo suo cum damno) primum occuparunt, filium indignabunde de *Ebore* interpellans, qui cum sartum tectum, *Anglis* & secure clandestinum, retulerat : Agedum subjungit vetulus, valeant mi *Fili* cætera, *Rupemque* possideant paulisper perduelles isti, nobis, *Eveno* salvo *eboreo*, reversuram. Simulachrum hoc si vivo *Eveno* cœlatum : Per venerandæ mehercule (quippe ante *Christum*) est antiquitatis

quitatis monumentum. Quin & statuas illo in sæculo in
 quo collocamus *Evenos*, apud nostrates haud fuisse infre-
 quentes, ex *Ioanne Campobello*, *Veremundo* & *Cornelio Hi-*
bernico, sub finem libri secundi testatur *Boethius*. Sin au-
 rem mihi vellet aliquis objiciens, *Berigonij*, quam hic ex
Wa-ri-gang deducere affecto, ipse in *Evenis*, & altius, me-
 minit *Boethius*: Omnia equidem facile concederem, mo-
 do ab *Asaphensi* ejusve discipulo objecta intelligerem; si
 enim *Berigonium* illis in temporibus concedatur, ergo an-
 te *Fergusium*, *Floido Primum*, Nobis *secundum*. Cum
 autem res ipsas argumenta adduco, nominum de origine
 non contumax incedam confectaneus. Sed hoc de nodo
 quid sentiam, exponam. Sicut igitur antiquitus *Scoti*, ut
 plerumque sub dio noctitabant, ita in aperto, de colle,
 jus dicebant & consilia tractabant, hujus *Mons-Placiti*,
Mote-hill apud *Sconam*; illius, loca adjectâ syllabâ *Law*,
Dundi-law, *Dunpendir-law*, *Dunf-law*, *North-berwick-law*,
 conspicua satis extant documenta. Postquam ergo sedem
 sibi eligeret *Fergusius Dounstonaghniſch*, aliud *Down* in pro-
 spectu, Juridicundo dicavit, ubi postea urbs conditur, quæ
 varia sortita erat nomina, *Bal-cwn*, ab *Eveno* (sed alio quam
 arcis conditore, qui reputatur *primus*) nec non *Doun-*
macsneich, ab eodem *Eveno* Patronymice designato ab
Edero patre, cognomento *Sneich*, ex latebris illis paludosis,
 in quibus cum nutrice ad evitandam *Gilli* sævitiam puellulus
 delitesceret. *Sneich* aquæ guttula subito & ex improvviso
 distillans, qualiter e specu profiliit *Ederus*. Cum ergo
 Regia fuerat *Dounstonaghniſch*, nec multis aberat stadiis
Dunmacsneich, Proceribus, aliisque aulam frequentantibus
 (formata tum apud nos *Architecturâ*) recipiendis acco-
 modata; & cum *Primores Regem* hîc sæpiuscule conve-
 nisse legimus, *Metropolin* hanc (saltem ut ea ferebant tem-
 pora *Urbem Regalem*) constituere nefas? Ideoque idem
 cum arce (causâ qua supra) perpeſſam *Sarcasma Wa-*
 ri-

ri-gang. Et cum *Ewn* (qui *Evenus* est) prisci *Scoti* efferunt per sonum vocalis *O* ; Et *Ball* sonat apud illos *Villam*, seu *Urbem*, quam facile *Bal-ewn*, Monachis interpretibus labitur in *Balevonium*, *Baleonium*, quod ipsis sic volentibus, in Picticum degenerat *Berigonium*, dicat velim Lector ingeniosus. Certe accolæ *Berigonium*, ut Hibernicæ Linguae penitus peregrinum repudiant, suis contenti *Bal-ewn*, & *Doun-macjneich*; quod posterius ad distinguendos *Evenos* magis retinetur. Sed *Berigonio* Monachorum auriculis, Latinius (ut dixi) tinniente, vocabulum nunc pro arce, nunc pro urbe, jam vel pro ipsorum sede, ante utrumque conditum, nullo habito ad Synchronismata respectu, indiscriminatim & ad libitum Fraterculi pro nimis oscitantes usurpabant. Quorum tamen hac in re incuriæ Historici quidam nostri recentiores nimium fuere sequaces. Sed ut inter perantiquæ civitatis hujus rudera, non pauci inveniuntur pumices, semel atque iterum a dicto *Alexandro* probati; sic ex *Evenorum* jam dictis structuris eruitur Nobis (ni fallor) argumentum cuniculis *Asaphensibus* non subruendum.

3. Cum omnis ex peccato servitus, a lapso primo ad agnitum *Adamum secundum*, omnis caro suo plus minus *Domino* serviebat, idque secundum *Nimrodorum* illorum placita, tam corpore quam bonis; Maribus utebantur militia in armata, Foemellas ad militiam magis inermem eligebant. Quæ Dynastarum Dominationis tesseræ (in potestate vitæ & necis fundatæ) Principum ex moribus, modo incrementum, modo decrementum recipiebant. Hanc foeminarum servitutem Gentes orientales humaniores, paulatim a vaga Venere in pompam potius convertebant: ut in *Ahasuero*, & in *Solomone*; quidni dicam & in *Turcarum* *Seraglio*, rimari haud difficile est. Nec & hoc despotici jugi insigne ab occidentalibus humani generis propagatoribus repudiatum. *Samuele* enim Lib. 1. cap. 8. *Regem*

ad exemplar *Genium* describente, versu 17. Epiphonemate quodam concludit, *Denique vos eritis ei servi*; seu ut quibusdam placet *in servis* (plurali *Gnōbedim*, quicquid vile aut servile erat indicante) ubi Hebraicum redditur a LXX. *δουλοι*, qui Græcis & *σώματα* vocabantur, a potestate corporibus eorum in servitiis, sive utendi, sive abutendi, non disputo. Consulat de causa curiosus *Majoragium* Lib. 1. cap. 12. Sed hæc tantum obiter, ut obscenam hanc consuetudinem nemo penitioris indaginis solis *Scotis* obtrudat, cum eadem, omissis aliis, vel in finitimo *Belgio* indagari poterit. Nec & hæc, quod *Eveni* nostri *tertij* Sanctionem in aliquo excusarem, qui addictissimus *Veneris* verna, impuri istius & illiciti servitij usucapionem ampliaret, & edicto publico stabilire ostentaret, cum interim quid aliud est impudicum illud Statutum, nisi sententia (sed laxa nimis) ethnici istius in mulierculas dominij declaratoria. Sed ut rem paucis finiam, apparet *Evenum* hunc nostrum fuisse *Regem*, & ante amplexum Christianismum regnavisse. Quis enim Regali in administratione leges fert nisi Rex? & quis Christicolarum tam flagitiosam unquam tulisset. Quâ, cuivis liceret pro opibus quot alere posset uxores ducere: Quâ, Rex ante nuptias sponsarum nobilium, nobiles plebeiarum prælibarent pudicitiam: & quâ, plebeiorum uxores cum Nobilitate communes essent. Cum ergo talem legem aliquando apud *Scotos* latam nemo *Anglus* denegaret (& cujus adhuc in Chartulis nostris clara, licet fœda, habemus vestigia, in Clausula illa, *cum merchetis mulierum*) quis hanc legem (utcunque spurcam) præcor, scisceret, nisi qui regia præditus erat autoritate, cum Regem, Nobiles, tangit & Plebeios; adeoque per totum regnum sic diffusa, ut plurima per secula (licet indies in praxi derelicta) non abrogaretur, & nec sic tandem sine commutatione pecuniariâ. Tam tenax est humana natura cujusvis Dominij semel

mel occupati, ut ipsius (quantumvis dehonesti) memoriam, quovis notaculo retinere, quam penitus abolere mallet. Cum ergo legem dictam inficiari non possumus, det nobis *Floidus*, hunc *Evenum* ante Christianismum (saltem a nostris acceptum) aut alium post *Fergusium* a *Santo Patricio* (ex seipso) benedictum, inveniat nobis hac in re legislatores.

4. *Claudianus Honorium* ex gestis *Avi* ad virtutem instigulans, *Scotos* subinde commemorat; quos *Hibernenses*, *Pictis* tantum ex *Hibernia* auxiliares, vult *Asaphensis*; nos *Albinenses* in *Britannia* contendimus. Sed ipsum ante omnia audiamus *Poetam*. 3. *Conf. Honorij*.

Quoque magis animum pugnae inflammaret amorem,
Facta tui memorabat avi, quem litus adusta
Horrescit *Lybia*, fatibusque impervia *Thule*.
Ille leves *Mauros*, nec falso nomine *Pictos*
Edomuit, *Scotumque* vago mucrone secutus,
Fregit *Hyperboreas* remis audacibus undas.

Et 4. *Conf. ejusdem Honorij*, ac de eodem *Theodosio*.
Ille *Caledoniis* posuit qui castra pruinis;
Qui medio *Lybia* sub casside pertulit aestus,
Terribilis *Mauro*, debellatorque *Britanni*
Littoris, ac pariter *Borea* vastator & *Austri*.
Quid rigor aeternus coeli, quid frigora prosunt,
Ignotumque fretum? maduerunt *Saxone* fuso
Orcades. Incaluit *Pictorum* sanguine *Thule*
Scotorum cumulos flevit glacialis *Ferne*.

Et in 2. *Lib. de Laudib. Stilic.* Romanam Provinciam,
sub nomine *Britannia*, sic alloquentem introducit.
Me quoque vicinis pereuntem gentibus inquit
Munivis *Stilico*, totam cum *Scotus Fernen*
Movit & infesto spumavit remige *Tethys*.

Illius effectum curis ne *Bella* timerem
Scotica, ne *Pictum* tremere, ne litore toto
 Prospicerem dubiis venturum *Saxona* ventis.

Et in Bello *Getico*

Venit & extremis Legio prætenta *Britannis*
 Quæ *Scoto* dat fræna truci, ferroque notatas
 Perlegit exangues *Picto* moriente figuras.

Vocabulis innitens *Ferne*, *Tethys*, *Vagum*, audacter
 tis concludit *Floidos*, hos apud *Claudianum* *Scotos*, fuisse
 (ut dixi) *Hibernenses*, sed quam perperam videamus.
 Quid ergo si negabimus *Claudiani* *Fernen*, significare Insu-
 lam *Hibernia*, sed potius regionem *Pictorum*, vernacule
Stratherne. Sane vallis hæc a perfluente rivulo *Earne*, La-
 tine scribitur *Ferne*, *Fernia*, *Ferna*, & in hac præfectura est
 (*Pictorum* quondam Metropolis) *Abirnethie*, ad ostium
 amnis *Ferni*. Cum igitur Trophæum a debellatis *Pictis*
 procinebat Poeta, *Fernen* ponit pro regno *Pictorum*, socio-
 rum cotorum funera deflentem: cui etiam sententiæ castro-
 rum in *Fernia* indicia astipulari videntur. Extant enim hoc
 in tractu *Ferna*, non procul ab *Ardoch* & *Panhols* stativo-
 rum vestigia, aggeribus scite vallata; Opus ipso intuito si-
 ne interpretibus accolis dixeris Romanum. Inter lapides
 hinc effossos non ita pridem eruebantur aliquot titulis mere
 Romanis insigniti, qui adhuc apud Comitem *Perthensem*
 in Arce sua *Drummonia*, per paucis miliaribus distanti, vi-
 sendi servantur. Hic nonnunquam & numismata reperun-
 tur Imperatoribus Romanis inscripta. Quia & inter has
 fossas & vicinorum montium radices locum designant rusti-
 ci, in quo prælium cruentissimum inter *Pictos*, *Scotos* & Ro-
 manos commissum fuisse perseveranter tradunt. Quid
 habemusne hic *Claudianum* castra *Theodosio* in ipsis *Caledo-
 niis pruinis* metantem? Viden' etiam quam consocia-
 tum *Pruinis* stat amicum epitheton *Glaciale*, hoc a Poe-
 ta

ta Montibus accommodatum, Lib. I. de Laud. Sti-
lic.

Promptius imponam *Glaciali Pelion Ossæ*:

Cum ergo mons *Thessalicus* denominatur ab eo *Glacialis*, cur non & ejus *Glaciale Fernen* quæramus in montibus *Britannicis*, castris & prælio propinquiore (ut *Picti* sua in ditione, & quasi e conspectu, *Socialium Scotorum* cumulata cadavera flebilius complorarent) potius quam *Audacioribus Theodosij remis* tentare *Ignotum Claudiano fretum*, ad quæritandum *Glaciale*, nescio quid in *Insula* per raro gelu rigente. Et quam *Totam* contra *Romanos* (sibi nihil molientes) nunquam potis erat *Scotia* tota *move- re*; cum ei in expedito fuerat totum *Pictorum* regnum (gentem vicinam & communis periculi participem) *Romanis Aquilis* deplumandis proritare, & *infestis remigibus* confœderatis suis *Pictis* (solo freto sejunctis) ad libitum succurrere, opitulari. Porro quod *Hiberniam* non intellexisset per *Fernen Claudianus*, ex ipso facit *Claudio- no*, quod illi *Thule* erat impervia *Ratibus*.

Ratibusque impervia Thule

Adeoque *Romanis*, quæ ex littorè *Armorico* & *Bel- gico* trajiciebant in *Britanniam*, vix (ea in navigationis infantia) bene cognita *Hibernia*, quæ pone *Britanniam* jacet ad Occasum. Et quodnam quæso illud *Fretum*, post æterni rigoris *Cæli* & frigorum mentionem, *Claudio* *ignotum*, nisi mare a tergo *Thules*, ultra *Littus Britannum*? Quod Limitem ponit a Septentrione, ut *Africam* a Meri-
diano.

Terribilis Mauro, debellatorque *Britanni*

Littoris, ac pariter *Boreæ* vastator & *Austri*

Nec multum velim confidat aliquis vocabulo *Tethys*, cum sæpius pro fretis & fluminum ostiis, quam pro mari vel oceano usurpatur, & hæc *Tethys* solis utitur *Remigi- bus*, cum *Ventos* (& proinde vela) concedit *Poeta Saxonibus*.

Venturum Saxona ventis

Et cum Mare inter *Continentem* & *Britanniam* dignetur nomine *Oceani* de Bel. Get. A *Gadibus* usque *Britannum*

Terruit Oceanum

Audebatne igitur *Hyperboreis* his undis, ubi sequebatur *Theodosius Scotos* vela concedere *Clandianus*, nec Romanos semper, *Remis* transfretandos committere. Sed Benedicat aliquis hic *Oceanus Britannus* potest comprehendere Mare inter *Britanniam* & *Hiberniam*, addit Poeta.

---Et nostro procul axe remotam

insolito belli tremefecit murmure *Thulen*.

Usque ponens ultimam illam & ratibus imperviam *Thulen*, Romanis ad Boream extimum. Et cum apud *Me-lam* est fluvius in Hispania nomine *Jerna*, & mo is ibidem *Jerna* secundum *Strabonem*; an *Pictorum* sedem (sive ab amne, sive a monte, sive a lacu) sub nomine *Jerna* *Claudiano* innotuisse incredibile est? Sed detur *Flodo*, *Claudiani Jernen* esse insulam *Hibernia*; Quis sequitur, ergo *Scoti* cum *Pictis* contra *Theodosium* & *Stiliconem* commilitantes, non fuere Gens in *Britannia*? Ipsa certe gloriatur *Britannia* se a vicinis gentibus munitam: Habebant ergo Provinciales, Hostes, eosque Gentes, & Gentes vicinas. Fuere quidem *Picti* vicini, sed non fuere soli vicini; Imo bifidi *Dicaledones* & *Vecturiones*, vexatae *Britannia*, nisi una Gens fuere: Fuit ei terror & alia Gens vicina, cujus bella (& ante ipsum *Pictum*) timebat.

Ne bella timerem

Scotica, ne *Pictum* tremere

Habemus hic tres Romanæ ~~provinciae~~ ^{provinciae} exagitatores; *Piraticum Saxona*, quem littoribus arcebat: & conteraneos, vicinum *Pictum* ab una, quem ut gentem subdolan magis & insidiosam Tremebat: Et vicinum *Scotum* ab altera, quem ut gentem ferocem magis & bellicosam timebat. Procul dubio, si *Scotum* judicasset *Clandianus*

Hibernensem, ipsius cum de *Saxone* loquebatur, meminisset; quas enim gratias debebat *Stiliconi Britannia* in prohibendo *Saxona* a Littore orientali, si non & *Scotum* prohibuisset a Littore occidentali, immo, sicuti *Saxona*, a *Littore toto*, sin mavis cum quibusdam legere *Tuto*, quæ tutela littoris, *Scotis* vel *Remis* indies applicandi? sed plus profecto formidabant Romani *Scotorum* in vallum *Severi* ascensus, quam in littus *Britannum* descensus; ideoque Romani per sæculum ante *Theodosium*, vallum ad arcendos *Scotos Prætenturis* firmatum construxerunt; quibus *Prætenturis* alludit *Claudianus*,

Venit & extremis Legio Prætentæ Britannis

Quæ Scoto dat fræna truci - - -

Quis sanæ mentis dixerit, *Severi* in *Britannia* vallum (inter *Fortham* & *Gloitam* situm) incursionibus *Hibernensem* prætentum: cum hic *Scotus* ipso præponitur *Picto*, Tubdens Poeta

ferroque notatas

Perlegit exangues *Picto* moriente figuras.

Et quantilli est quod de vocola blaterant *Vago*, per me legatur scilicet *Vago* vel *Vagum*, *Floudi* ex arbitrio; & in sensu, si placet, maxime maligno; quid enim si *Claudianus* *Scoto*, ex edicto *Maximi* extorri, addiderat *Vagum*; (scripsit quippe *Claudianus* post *Maximum*) ergone *Scoti* nunquam fuere *Gens* in *Britannia*, Provincialibus Romanis vicina? Et quid quæso calumniæ, si perspectis *Glothe* æstuario, cum lacubus *Argathelianis* (Plus minus, ut *Hebrides* fileam septem) nisi per cymbas minime trajiciendis, *Scotus* diceretur, a *Theodosij* Mucrone *Vagus*, cujus vestigia Hyperboreis illis in undis non facile apparebant investiganda? Ergone profecto *Scoti* ex *Hibernia* erronei tantummodo desultorii? Apage nugas. Clero indignas, Præsuli cordato calcandas! Nec *Claudiani* hæc carmina, periodos, aut verba, arguti dicat aliquis Poetæ

nisi fucos & figmenta ; cum non solum iudice *Scaligero*, *judicium* erat ei *temperatum*, *dictio candida* : Sed & longe ante *Scaligeros* in vetusto marmore, Statuæ *Claudiani Romæ* supposito, Legebatur *CL. Claudiano V. C. Tribuno & Notario*, inter cæteras vigentes artes prægloriosissimo *Poetarum*, licet ad memoriam sempiternam carmina ab eodem scripta sufficiant, adiamen testimonij gratia, Ob iudicii sui fidem, *DD. NN. Arcadius & Honorius felicissimi ac doctissimi Imperatores*, *Senatu petente*, Statuam in foro *Divi Trajani* erigi collocarique jusserunt. Ac proinde *Claudianus* non minus Historicis quam Poetis apud probatos Authores adscriptus claret. Cum igitur ex illo (suffragante etiam *Ammiano Marcellino*) trux hic *Scotus*, Gens sine diremptione æquoris (teste vel *Beda*) provincialibus *Vicina*, *Bella Romanis* (& bella metuenda, non incursiones leves) movebat; relegat tantum benevolus Lector *Claudiani* versiculos, & dicat ingenue, num *Scoti gens* fuere in *Britannia* ante æram nobis a *Floido* constitutam, annum a natalibus *Domini* videlicet 503, & si *Gentem*, in *Britannia* approbaverit, eamque regimini *Regio* dicaverit (aliud enim assignare quis potis est) optarem ut tacite secum revolvat, quam cordiculus Regis sui stemmati se jactat, & quam candide *Præsul* hic *Cambrus* se probat amicum. Sed hæc pro *Regibus nostris* priscis impræsentiarum tantum.

5. Ad alterum vero (super *Quæstione* feliciter nunc forsan apud *Britannos* sopita, nec temere in *Ecclesia*, crediderim, resuscitanda) *Asaphensis* thema enucleandum, De *Christianitate* primum a *Scotis* amplexâ, & antiquo nostræ regimine *Ecclesiæ*, inter alia adminicula, *Norimbergæ* *Libraria* (bona cum venia) exploranda suggero; ibi enim reponuntur *Codices & Manuscripta*, de *Monasterijs* a nostratibus fundatis & instructis, quæ plurimum nobis lucis tam in sacris quam civilibus adferent, si ad manus de-

venerint. Novi ingenum & ingeniosum *Christopherum Irvinum*, Medicum, talibus in scrutandis & arcessendis (dum opus & se & Patriâ dignum molitur) Labore & crumena, proprijs minime defuturum ; Sed quod privatae est industriae, privatis merito parietibus ad libitum domini consuepiendum est : & e contra , quod publici est momenti , sumptibus publicis communicandum videtur.

6. Nec pauca extant *Scotorum* in favorem contra *Hibernenses* prolata a *Papâ* Decrêta seu Bullæ ; quæ si non *Norimbergæ*, *Romæ*, nil dubito, cum multis *Scoticis* haud spernendæ fidei Originibus (modo præfato) perfacile inveniendæ sunt.

7. *Cornelius Tacitus*, *Bochartus*, *Franciscus del Campo*, Hispanus ; & alij *Silures* agnoscunt Origine *Iberos*.

8. Tota Cambria Meridionalis (quæ *Dehenbarth*) *Silurum* sedes erat.

9. *Gael* tam *Albinich* quam *Irenach*, ex Gallicia in Hispania, quæ & *Iberia* est.

10. *Floidi*, *Lloidi*, seu *Luddi*, ab *Haraldis*; *Guillimo*, in *Glocestriæ*; *Morgano*, *Herefordiæ* Comitatu collocantur : Illius vero pars Occidentalis trans *Sabrinam*, Hic totus (secundum *Cambdenum*) *Siluribus* assignabatur.

11. *Asaphensis* Episcopus, Anglorum Episcoporum omnium primus, qui (gratitudinis ergo) Sedis suæ Insignia, Claves scilicet duas argenteas, decussatim (more *Scotico*) trajecerat.

12. Vide *Cambdenum* sua in *Britannia*. Fol. 548. Circa annum enim (inquit ille) reparatæ Salutis 560. *Kentigernus* (qui idem & *Mungo* est) Episcopus *Glasguensis*, e *Scotia* profugus, Episcopalem Sedem, Cœnobiumque hîc constituit, Congregatis 663. Fratribus, quorum 300.

illiterati agriculturæ, totidem alij operibus intra Monasterium exercendis, reliqui divinis rebus peragendis vacarent, quos ita per conventus distribuit, ut jugiter aliqui in Templo DEO inservirent, cum autem in *Scotiam* rediret, *Asaphum* virum integerrimum huic Coenobio præfecit, a quo hodiernum nomen impositum, &c.

13. Mutua perpende utriusque Regni Statuta, Imperante *Jacobo*, Monarchâ Britanniarum primo, ac S. D. N. Regis Avo.

14. Libelluli memineris (si libet) cui titulus, *Fragmenta Humphredi Luddi*, Authoris hujus (ut fertur) Propatruï; Qui, in *Scotos* asperior; Argumenti ventilator primus (quod sciam) exstiterat

Amicissimo suo, & plurimum colendo, Amico, *D. Roberto Sibbald a Kipps*, Equiti Aurato, Medico, Regio, Regali Autoritate Geographo Patrio,

FLOIDUM,

Alaphensem Episcopum,

Justo Volumine Latino,

Convellere aspiranti.

J. C.

S.



ST Medici (*Sibbald* tenes) dare pharmacon ægris;
Ut sit quâ poterit restituenda salus.
Principis est famuli, spernaces spernere Regum;
Quos merita inscribit noxa pianda neci. *Stat. Jac. Sexti Pri.*
Regius es medicus, te munere cingito duplo:

Quin

Quin opus est, quod habes (credito) quicquid opis
Hic capito Antistes, devictus an exuet arma?

*Raro vidi-
mus Clerum
penitentem.*

Erroris monitum penituisse putes?

Quis furor hic *Cambri*, qualis dementia, *Reges*

Sic *Scotos*, *Scoto* temnere, *Rege* suo?

Hil leborum misces, & quot petit *Acria Bilis*:

Dic *Domino*, in *Dominum* quanta venena vomit.

Savior hic *Præsul*, *Protestans*, *ADONIBEZEC*.

(Pollice qui mutilis *Regibus* ossa dedit)

Quot *Reges* totos (calcato *Stemmata Carli*

Amputat *Albinis*! jurgia nemo movens.

Ut *Mitrâ* tutum centupli criminis *Author*,

A nece se jactet; stringito, cæde tamen.

Obtreñtorem sic plectito, plecte *Cientem*;

Gannitu, ut *Luddi* contremat omne *latus*.

Peccatum at *Cleri* est! merito fit *Lenior ira*:

Intactâ *Mitrâ*, tangito & ange *Virum*.

Succedet *Floidus*, te procurante, *Columba*

(*Præsule* *Mitratus* nec minor *Abbas* erat)

Asaphidesque *Pius*, *Sanctam* mittatur *Jonam*;

Regum ut tot *Manes*, Sulpiciant *HOMINEM*!

Mittatur, quin imo *Lubens* eremiget *undas*:

1. *Insula* fors fuerit, quæ fuit ante *Ratis*.

Plurima *Patricio* tribuit *Miracula* *Vetustas*;

Unum vel *Floido* sæcula fera negent?

Sive pedes veniet, *Liquidum* seu naviget *Æquor*;

Hospitibus fessis parca diæta *salus*.

Ergo cave blandi cyathisset dona *Lyæi*;

Ulla pitissabit vina *Falerna* cave.

Arent cum fauces, uvas ne gustet *Iberas*;

Lacte vel, aut ipso fonte levanda sitis.

At *Zyri*, Languet ne in *Festis* forte perorans,

Alembicati, guttula trina satis:


Nec sint in *Quadra* tenui *Farcimina* *Lauta*;

Ne-

Neve Minutal erit, neve Botellus erit!
 Pauca Moreta dabis, Silicernia ponito; Cæpe
 Sæpius immiscens, Nicotiana sapit.
 His epulis Adipem multos differret in annos,
 Præsulis & Munus promptius inde colat.
 Ne Socio vacuas, noctes suspiret hibernas,
 Est comes addendus; quo sine, Vita, Malum.
 Hunc *Adamnanus* mutuabit & ipse; *Columba*,
 2. *Ufferi Simia*, sat comes aptus *Equus*. 3.
 Non hunc Bucephalus, Pegasus, Pyroisve vel Æthon
 Æquat; non Persæ qui Diadema dedit.
 Sellio, Jumentum, Trepidarius, atque Veredus,
 Asturco, Tortor, Musimon ille fuit.
 Quot Monachis Mannus fuerat meritorius ille,
 Qui Dominum toties, heu! Lachrymabat Equus.
 Abbate defuncto, *Corynoch* dedit. *Ochon*, *Ochoni*!
 (Quadrupedi parcas verba Latina satis)
 Forfan erat Proavus *Balaam* natus equili:
 Consortem in Lacrymis quis vetat ore loqui.
 Mannulus at, diro jamdudum angore sepulto,
 Ludicra quotque jocos hinniet atque Sales.
 De *Ferghuardiade*, ac *Evenis*, deque *Donaldo*,
 Mussset evax! Socio verbula digna legi.
 Quot Fratrum lusus, quot amores (crede) Sororum,
 Mutiet arridens; verba tacenda puto.
 Authore hoc, retrahat *Cambrus*, proh! futile dogma;
 Injustæ maculæ rædia justa gemens.
 Et discat Præsul mandato munere fungi
 Nec Regnum & Reges rodere dente truci.
 Neve crepet *Causam*, *Sacram*: quasi causa *Tiaræ*
 Tutari nequeat, ni *Diadema* cadat.
 4. Dic *Ferghuardiadi* quid Presbyter, Infula *Maino*?
Corbredis Mitra & Pallia sacra nihil.
 Sin simulet Zelum, cur non ferit impiger ipsum

5. *Eutygium*, & rabiem *Memphytis* ora dolet.
 Nec Litem intendat *Scotis*, de *Regibus* almis,
 Aut priscis *Cleris*; *Ille*, vel *Ille* suis. 6.
 Author cum dubius fors alter, & alter iniquus:
 7. *Zelotes*, mendax, forsan uterque nimis.
 8. Exuat *Elweyn* Larvam, bilemque recludat;
 9. Propatruī *Luddi* Manibus ille Litat.
 Ergo Luat *Floidus* poenas, *Antistite* salvo;
Ast Clerus peccans verbera dupla petit.

NOTÆ.

I.  Sfer: de Pri: Eccle: Brit: Pa: 611. In illo vi-
 tæ *Sti Patricij* Fragmento ad *Jacobo Meyero*
 producto. Sic Lege. *Patricius* revertens e *Gal-*
lia in Britanniam, inde transit in *Hiberniam*
 (id est *Scotiam*) in Regionem *Lagenorum*, inde petit a-
 quilonares *Scotie* partes, hinc Orientalem Plagam *Hiber-*
niæ circumnavigans, *Navem convertit in aliam Parvam*
insulam, quæ hodie *Insula Patricij* vocatur, &c. (con-
 cinnius forsan; *O Brasile*) Fabulam autem hanc cum con-
 simili de *Columba* Caballo subscripta, haud gravatim hic
 profero, ut minus catus animadvertat Lector, quam nu-
 tantis & concussæ fidei authoribus (mendacibus scilicet
 mediorum sæculorum Monachis, & sibimetipsis parum
 constantibus, ut hic vel in *Scotie* & *Hiberniæ* vocabulo
 tralucet) radicas nostras antiquitates, non solum con-
 cussare se gloriatur *Floidus*, quinetiam jactanter eradica-
 re superbit.

2. *Floidus* hoc in themate, *Armachana* (ut ipse ille lo-
 quitur *Primas* in præfat. de Prim. Eccl. Brit. Promiscue
congestæ farraginis, nisi merus, sed malevolus, *Plagia-*
rius.

3. Fabellam apud *Adamnanum* (si modo mendaculus
 iste Codicellus, sæpiuscule Nobis (cum ejusdem farinae
 aliis

aliis) a *Fluido* obtrusus, Nostratis ipsius sit, quod magno-
 pere addubito, *Adamnani*; cum potius Monachi videtur
 cujusdam Legendarij ejus a schedulis describere gestientis)
 In vita inquam, *Sti Columba*, Lib. 3. Cap. 16. §. 2. Hæc
 in Verba perlege. Post hæc *Sts.* (scilicet *Columba*) Hor-
 reum (*quod cum ministro suo Diormitio §. preced. benedi-*
xerat) egreditur, & ad Monasterium revertens, media re-
 sidet viâ, in quo loco Crux molari postea infixâ lapide,
 hodieque stans, in margine cernitur viæ: Dumque ibi-
 dem *Sts.* ut præfatus sum, senio fessus paulum sedens re-
 quiesceret, Ecce Albus occurrit *Caballus*, obediens ser-
 vitor, qui scilicet Lactaria intra bocetum monasterij
 vascula gestare consueverat. Hic ad Sanctum accedens
 (mirum dictu) caput in sinu ejus ponens, ut credo, in
 spirante Deo, cui omne animal brutum sapit, sensu quo
 ipse jusserat Creator, Dominum a se suum mox emigra-
 turum, & ipsum ultra non visurum sciens, cæpit plange-
 re, ubertinque quasi homo, lachrymas fundere, & valde
 spumans flere. Quod videns minister (*præfatus utpote*
Diormitius) cæpit illum flebilem repellere Lamentatorem;
 Sed Sanctus prohibuit eum, dicens, sine hunc, si nostrinæ
 amator est, ut in hunc sinum fletus effundat amarissimi
 plangoris: Ecce tu cum homo sis, & rationabilem ani-
 mam habeas, nullo modo scire de meo exitu potuisti, ni-
 si quod tibi ego Nuper ipse manifestavi. Huic verobru-
 to & irrationabili animanti quoquo modo ipse Conditor
 voluit, egressurum a se Dominum manifeste revelavit.
 Et hæc dicens, moestum a se revertentem *Equum* Bene-
 dixit Administratorem &c. Risum teneatis amici!

Benevolum utcunque & emunctioris naris Lectorem
 commonitum velim, quod in hoc qualiquali *Adamnani*
 (sive veri, sivi personati) M S Co. in Bibliotheca Cot-
 toniana, Londini asservato, ubique (quoties occurrit)
 scribitur *Scotia*, *Scotiæ*, *Scotiam*, &c. Sed qui codicem

in lucem ediderunt, *Scotis* iniquiores, supponunt *Hibernia*, *Hibernia*, *Hiberniam*, &c. Vel gratis in margine (nec sine asterisco) subdunt, *Quæ Hibernia est*, &c. Quod peccatum: lubens etiam, sed nequius (inulato indigito candore) ipse peccat *Elmhyensis*.

4. *Fergusius*, *Ferguardi* filius, *Scotorum Rex Primus*, & *Maunus Tertius*, cum duobus etiam *Carbedis*, ante *Christum* a Nostratibus agnitum & acceptum claruerunt.

5. Cur non missis *Scotis* arma movet in *Eutyrium*; circa ea quæ scribit ille *Arabs*, de Ecclesia sua *Alexandrina* in *Ægypto*; vel Interprete Professore *Oxonienfi*. Pag. 331. &c.

6. Hinc *Episcopalis* { ut } *Floidus*.
Illinc *Presbyterianus* { } *Baxterus*.

7. Opinionis quisque suæ apicibus, mordicis & plus forsitan æquo, inhiantibus, adherentibus.

8. *Elmhyus*, *Elmhyensis* (ab alluente rivulo *Elmy*, seu *Idan-Elmy*, idem cum *Asaphensi* Episcopo, ab *Asapho*.

9. Nostrate a *Marone* satis superque flagellati.

Sed nec Lectorem lateat, quod ut *Buahanani* in *Lud-dum* argutiæ *Floidum* agitabant, sic etiam *Dempsteri* in *Stanikurstium* acrimonia, Nepotem ipsius *Usserum* (sui hac in re dissimilem) in amicos sibi *Scotos* acuebat: cum ergo hæc ex *Livore calumniæ*, quis vetat subungere.

Calumniator fure quovis tetrior.

A P P E N D I X.

*In qua Compendiario, ex concessis,
Refutatur Floidus.*

Verba *Mamertini* vel paucula volve, revolve,

Construe : Laureolam paucula verba dabunt.

Nec renuet Præsul, quam Legem ponit. Adeste

Orbilij ; Judex Tyro vel omnis ades.

Mamertinus, seu *Eumenius*, sive incertus (no-
strâ parum interest cujus) in Panegyrico
Maximiano dicto, de *Britannia* loquens;
inter alias, hanc rotatam fundebat Phra-
sin. Ad hoc *Natio* & *tam rudis*, & *soli*
Britanni *Pictis* modo & *Hibernis* assueta
hostibus adhuc *seminudis*, facile *Romanis* armis & signis ces-
serunt. In construendo hanc periodum, inter *Luddum*
& *Buchananum* lis agitata est plusquam Grammatica:
dum *Luddus* ponendo *soli Britanni* casu in Nominativo,
Scottis Antiquitatem decurtare gestiit; & *Buchananus*,
Patriæ hac in re assertor acerrimus, in casu gignendi con-
struit. *Luddum* sequitur cognatus suus *Floidus*, & eâ
quidem opprobatione, ut *Buchananum* (*Romani* eloquij
alterum parentem) insolita vaniloquentiâ, *Camdeno*,
ob inscitiam in Latinitate construenda, vapulandum commit-
tit, O *Floide*, Mi *Floide*; adsit Orbis Literatus testis, utinam &

Ju-

Judicem plagosum quendam haberemus *Orbitum*. Sed lente,

parce precor stimulis-----

Si *Buchanani* Constructio fuerat congrua, lubens manus dat *Asaphensis* (Pag. 11.) Præsulis laudo modestiam. Agite igitur, paucis experiamur. Panegyrista hac in parte Orationis suæ, *Victoriam* (ut capio) *Constantij* a Piratico *Carausio* reportatam, bello præfert *Cæsaris* contra *Cassibelannum*. Sed enim (præfatus est Orator) illa ætate (tempore *Cæsaris*) nec *Britannia* ullis erat ad navale bellum armata navigiis, & *Romana* res inde jam a *Punicis Asiaticisque* bellis etiam recenti exercitata piratico, & postea *Mithridatico*, non magis terrestri quam navali usu vigebat. Ad hoc *Natio*, &c. Viden' igitur, Lector candide, hanc *Cassibellauni Nationem*, Oratori fuisse Rudem, ob artis bellicæ, præsertim navalis, imperitiam: Adeoque hostibus ante *Cæsaris* adventum, tantum indigenis, non exteris assuetam, quippe navigiis ad bellum navale ea ætate non armatam. Subnectens Panegyrista; Prope ut hoc uno *Cæsar* Gloriarî in illa expeditione debuerit, quod navigasset Oceanum.

His itaque leviter prælibatis, magè cominus Grammaticali hac in Diatriba nunc dimicemus. Si *Britanni* voluisset Orator, *Nominativi casus Substantivi Nominis*, & *masculini generis*, fallor an pronunciaisset *ET* inter *Natio Rudis* & *Soli Britanni*, cum sic parum Latine loquutus esset, quia *Britanni* sic idem esset cum *Natio*, & taliter per *Appositionem* ornatius proferenda forent verba, *Natio rudis Soli Britanni*, quibus subjungendum erat *Assueti* non *Assueta*, quam vero fuit sermonis lacertus & laudibus Imperatoris, & Oratoris scopo apprime consonus *Natio quam devicit Cæsar in Britannia* (*navigiis ad bellum navale non armata*) & *rudis erat*, & *assueta modo Piclis* & *Hibernis Soli Britanni*, &c. Et quæ in Panegyrista ele-

gantia, una & eadem pene in sententia, & uno quasi habitu oris, tam tautologice pro eodem repetere *Britannia Natio, Britanni?* quâ autem Romana constructione, quove Latinitatis Stylo induci vellicant, aut *Luddus* aut *Floidus*, hoc Oratoris *Britanni* ad Casum Nominativum, augurare sane vix ego potero. Nisi simplici *Commate* vocabulo *Britanni*, quibusdam in Impressionibus subdito, fascinati; deliriis suis obnixè nimis immolare studeant: Quin videantur *Pauli Stephani* aliæque melioris notæ Editiones, tali *Commate* carentes. Sed & quam debilis & puerilis est ad evertendum Regnum Machina, *Comma* vel a Typographo dissolute, vel a Monacho malitiose locatum. Certe ipse hîc Panegyrista, *Britanni suum* in Genitivo intelligere videtur, vel hac unica ratione contendo. Sic enim perrorat. *Nihil ex omni terrarum cælique regione non aut metu quietum est, aut armis domitum, aut pietate devinctum. Et ex aliis quidem partibus aliqua restant, qua si voluntas vel ratio desiderent, possitis acquirere. Ultra Oceanum vero quid erat præter Britanniam? Quæ a Vobis ita recuperata est, ut illæ quoque Nationes terminis ejusdem Insulæ cohærentes vestris nutibus obsequantur. Nulla progrediendi causa superest nisi si (quod Natura vetuit) fines ipsius querantur Oceani.* Agedum, construat bonis avibus, & interpretetur ipse *Floidus*; ne perpetui *Cambrorum* sub ferulis Tyrones paveamus, Lugeamus, vapulemus. Dixerat in præcedentibus Orator *Hibernos* (licet seminudos) *Britannis* hostes, tempore *Cæsaris*, fuisse. His Patriam & sedem assignat *Asaphensis* Hiberniam. Huic Panegyristæ ultra Oceanum nihil erat præter *Britannia*, nisi fines ipsius querantur Oceani. Ubinam ergo gentium hiemabant hi Oratoris *Hiberni*; Si non SOLO in BRITANNO. Præsertim quum ipsissimo hac in Oratione sic utitur Vocabulo. Ita nunc per *Victorias* tuas, Constanti Cæsar Invicte, quicquid

quid infrequens *Ambiano & Bellovaco & Trigafimo SOLO*
Langonicoque restabat &c. A Recuperata vero Bri-
tannia; Omnis terra, omnis cæli regio vel quieta, do-
mita, vel devincta. Nulla progrediendi causa supere-
rat. Quædam enim Nationes terminis Britanniaë cohæ-
rentes jam nutibus Romanis obsequebantur. Quando au-
tem, ubi, quo in angulo, isthmo vel puncto, cohærebat
Hibernia terminis Britanniaë? An vel temporibus *Maxi-*
miani & Constantij, Obsequebantur nutibus Romanorum indi-
genæ Hibernenses? Dicat, sodel, *Luddus, Floidus.*
Quin ut *Lucidius* omnia Lectori elucescant. Hæc mo-
do recitata (cum in Appendice sumus) cum *Claudi-*
ano suprascripto conferantur, & comparata (brevitatis ergo) considerentur. Hoc etenim in Themate, &
Luddi & Floidi affaniarum jamdudum pertæsus, finem
his imponere festino. Sed quid, O Domine Præsul, ad
venerandum Ordinem Episcopalem, hæc leves de con-
structionibus Grammaticis, & minutioribus in scribendo
punctis, nugationes. Cum ne res quidem de *Episcopis,*
Culdeis, Presbyteris, mussitant *Mamertinus, Marcellinus,*
Claudianus. Quæ hæc igitur asinina ignorantia, an
potius criminosa malitia, in Romanis Authoribus sic dis-
torquendis, aut nequiter reticendis, ad obfusandum,
immo amputandum (ne dicam obtruncandum) Stem-
ma *Britannicum* Regale. Hui, hui! receptui propere
canat hac in re *Cambrus,* ne sero tandem (& sine decli-
natione) doceatur congrue magis construere, magis &
sensiliter forsan comprehendere.

Iratus Rex est Reginaque non sine causa.

F I N I S.

Legat si libet, Lector Benevolus, P. 15. L. 27. *Meri-*
die pro *Meridiano*; pro *Colonia* etiam P. 16. L. 29.
ad placitum supponat *Provincia*; & cætera quæ de-
prehenderit in Typographia, aut Interpunctione Er-
rata, corrigat humaniter.

se 1/2 53/100

Additamentum.

Præfule bellato, restaurat bella Decanus:

Bella Stilinfleti num Buchananane times?

UT Floidus nisi inepte retaxat *Buchananum*, sic & *Stilinfletus*, pari impudentiâ, Panegyristam incassum subdocet; Allegando, si *Eumenius* (quem Oratorem asserit) vocabulum hîc soli Substantivum posuisset, *Britannici* non *Britanni* addidisset. Quia (ut urget *Decanus*) sub finem hujus Orationis dixerat (scilicet) *Victoriam Britannicam*, & in alia, *Trophæa Britannica*. Esto, transeat pro utriusque Panegyrici authore *Eumenius*; Trophæa, cum *Victoria*, *Britannica* enuncians, expandens, enarrans: Ergone solum *Britannum* Auditorum in aures insusurrare ei interdictum fuerat? Quo Syllogismo, Enthymemate, Sorite, incedit hoc ad evertendos *Scotos* argumentum plusquam *Achillæum*. Aries interim, O Doctor *Decane*, ad movendum vel in minimo murum Chartaceum, nimis hic, ah nimis est stramineus! Fuerene *Ambiani*, *Bellovaci*, *Trigasimi*, *Langonici*, *Populi* æque ac *Britanni*! Ast illorum de Solo, sic Adjective subacto, *Ambiano* &c. Solo, plenis vel buccis Oratori vociferare Licitum; sed *Britanno* de Solo vel hîscere nefas! Heu, quot in perimendis priscis *Scotis*, a *Floida* ejusque *Affleclis*, *Liberalium* victimantur Artes: Logica, Grammatica, Rhetorica! Habetne Ars Oratoria propositam sibi copiam & flumen orationis? Fuitnè *Britannus* Adjectivum ante Panegyristam *Lucretio*?

Nam quid *Britannum* Coelum differre putamus? & post ipsum *Claudio*? --- a Gadibus usque *Britannum*

Terruit Oceanum----

---- Debellatorque *Britanni*

Littoris----

audebatnè igitur Panegyrista, clam *Stilinfleto*, una & eadem

E

dem

dem in Oratione, ad libitum uti *Britannus*, *Britannicus*.
 Adjectivorum civitate jam donatis. Et qua in Classe
 lustratur Peccatorum, hoc facinus infandum; Orator am-
 plectitur Adjectivum a Poetis constupratum! Quem in Ca-
 nonem (Boni Viri) quæso impingit hæc, inter Artes
 adeo affines, cohabitatio contubernalis, familiaritas sus-
 pecta, ipsa vel (dicam incestuosa) commixtio, in ver-
 bulis hinc inde detrullandis. Certe *Britannus*, lapide *Laphro-
 tis Lydio*, rebus magis appropriatur Insulæ Naturâ nec-
 sariis (ut perfacile evincerem, si *Britannica* hac
 disceptatione, ad Cantharum *Cæcubi CAMPANI*,
ALBANA qualibet Cauponula, nobis unquam confabu-
 landi daretur copia) cum *Britannicus*, Incolis eorum
 que fortunis, moribus, aliisque variis, longe potius accom-
 modatur. Cum ergo habemus *Cælum*, *Oceanum*, *Littus*
Britannum, velintne Nobis cum *Decano Asaphensis*, Se-
 nostro *Britanno* usque & usque interdicere? Qui quæ-
 quadrat Pastori Irenico, tantarum hæc irarum moles.
 Aut cui, effare, bono Ecclesiæ, consociatorum suorum
 diutinè *Scotorum* Principes cum Antiquitate, sic stirpis
 sternere, saltem pro virili interlucare. Meminerit utimur
 sæpius *Paulinus* hic *Decanus Pauli* ad *Titum* Cap. 3.
 9. si non cum reliqua *Asaphensi* Sodalitate (quis enim
 insipidus, graveolentiam Conjuracionis hujus Atrament-
 riæ, vel e longinquo non sapit) Concionem de *Viperæ*
fabula, *JACOBO* 7. 2, Prædicare, impensius sudat, al-
 bit, alget.

*Rusticus Excetra Gremio dat vivere, vulnus
 Lethale infigit, gratus an ille tepor?*

F I N I S.

